



**REPUBLIKA E KOSOVËS**  
REPUBLIKA KOSOVA – REPUBLIC OF KOSOVO  
**KËSHILLI GJYQËSOR I KOSOVËS**  
SUDSKI SAVET KOSOVA - KOSOVO JUDICIAL COUNCIL

---

**PANELI PËR LIRIM ME KUSHT-ODBOR ZA USLOVNI OTPUST-CONDITIONAL RELEASE PANEL**

**PLK. D. nr. 646/23**

**PANELI PËR LIRIM ME KUSHT**, i përbërë nga Valdete Daka, kryesuese e Panelit, Burim Ademi dhe Ruzhdi Osmani, anëtar të panelit, me pjesëmarrjen e Mersime Mehmeti, u.d. koordinatorë të panelit për lirim me kusht, duke vendosur përkitazi me kërkesën për lirim me kusht, të parashtruar nga i dënuari A. G., për shkak të veprës penale Ndhima në kryerjen e veprës penale Vrasje e rëndë nga neni 179 par. 1, pika 1.6 lidhur me nenin 33 të KPRK-së i gjykuar me dënim me burgim në kohëzgjatje prej 8 vite, me aktgjykimin e Gjykatës së Apelit PAKR.nr.95/2019, i datës 28.03.2019, pas shqyrtimit të kërkesës për lirim me kusht, në pajtim me nenin 90 të Kodit Penal të Republikës së Kosovës (Kodi nr. 06-L-074), nenin 116, 117 dhe 118 par. 4 të Ligjit (08/ L-132) për Ekzekutimin e Sanksioneve Penale, dhe nenet 12, 13, 14, 18, 22, 25 par.1 pika 1.2 dhe nenin 33 të Rregullores së miratuar nga Këshilli Gjyqësor i Kosovës (Ref: KGJK, nr. 01/39) mbi Organizimin dhe Funksionimin e Panelit për Lirim me Kusht, në seancën e mbajtur me datë 04.12.2023, në selinë e Këshillit Gjyqësor të Kosovës në Prishtinë, mori këtë:

**A K T V E N D I M**

**I. REFUZOHET** kërkesa për lirim me kusht e të dënuarit A. G., nga i ati R. dhe e ëma T., e gjinisë M., i lindur me datë ..., në P., me vendbanim në rr. "...", P., shqiptar, shtetas i Republikës së Kosovës.

**II.** Kërkesa për lirim me kusht i refuzohet për periudhën kohore prej 12 muaj, e njëjta mund të rishqyrtohet pas kalimit të këtij afati.

**A r s y e t i m**

Me aktgjykimin e Gjykatës Themelore Prishtinë, PKR.nr.160/18, i datës 30.11.2018, A. G. është shpall fajtor për shkak të veprës penale Ndhima në kryerjen e veprës penale Vrasje e rëndë nga neni 179 par. 1, pika 1.4 dhe 1.6 lidhur me nenin 33 të KPRK-së, i gjykuar me dënim me burgim në kohëzgjatje prej 3 vite, 10 muaj. Gjykata e Apelit me aktgjykimin PAKR.nr.95/2019, i datës 28.03.2019, ka ndryshuar aktgjykimin e gjykatës së shkallës së parë përkitazi me cilësimin juridik të veprës penale dhe vendimin mbi dënimin, ashtu që të dënuarin e gjykon për shkak të veprës

penale Ndhima në kryerjen e veprës penale Vrasje e rëndë nga neni 179 par. 1, pika 1.6 lidhur me nenin 33 të KPRK-së dhe i shqipton dënim me burgim në kohëzgjatje prej 8 vite.

Me datë 30.10.2023 i dënuari ka parashtruar kërkesën për lirim me kusht përmes Institucionit të Qendrës Korrektuese ku është në vuajtje të dënimit me burg, me arsyetimin se gjatë vuajtjes së dënimit, me sjelljet e tij është arritur risocializimi i tij dhe janë plotësuar të gjitha kushtet ligjore për lirimin e tij me kusht.

Paneli për lirim me kusht në seancën e mbajtur me datën 04.12.2023 pasi e shqyrtoi kërkesën e të dënuarit, dosjen e tij, raportin përmbledhës të përpiluar nga Ekipi Profesionist i Shërbimit Korrektues të Kosovës, Deklaratën-premtimin lidhur me mbikëqyrjen e të dënuarit pas lirimit me kusht, ashtu siç është përcaktuar në nenin 116 të Ligjit mbi Ekzekutimin e Sanksioneve Penale nr.08/L-132, dhe pas vlerësimit të tërësishëm të çështjes gjeti se:

**Kërkesa për lirim me kusht është e pabazuar.**

Nga shkresat e çështjes, dosja e të dënuarit, rezulton se i njëjti është shpallur fajtor për shkak të veprës penale Ndhima në kryerjen e veprës penale Vrasje e rëndë nga neni 179 par. 1, pika 1.6 lidhur me nenin 33 të KPRK-së.

Në raportin ligjor për të dënuarin vërtetohet se i dënuari lirimin normal e ka me datë 07.07.2026, dhe nga llogaritja e dënimit për të dënuarin rezulton se gjer më tani i ka vuajtur 5 vite, 4 muaj, 27 ditë, ndërsa i kanë mbetur edhe 2 vite, 7 muaj, 3 ditë. Paneli gjatë shqyrtimit të dosjes i ka vlerësuar edhe raportet e tjerë të përpiluara nga Ekipi profesionist i Qendrës Korrektuese, në të cilat gjen se i dënuari gjatë vuajtjes së dënimit ka rënë ndesh me rendin dhe rregullat e Institucionit Korrektues, përkatësisht ka shkelje disiplinore me datë 03.01.2022, të cilit i është shqiptuar masa disiplinore, 10 ditë në vetmi. Procesi i risocializimit sipas tyre deri në këtë fazë ka rrjedhur normalisht.

Gjatë shqyrtimit të kërkesës së të dënuarit për lirim me kusht, Paneli ka vlerësuar kushtet për lirim me kusht, të përcaktuara në Kodin Penal të Republikës së Kosovës, duke përfshirë kriteret e parashikuara në Rregulloren 01/39 mbi Organizimin dhe Funksonimin e Panelit për lirim me kusht. Kriteret përfshijnë: peshën e krimit, historinë e kaluar kriminale, përshkrimin e personit të dënuar për krimin, qëndrimin ndaj viktimës, sjelljen gjatë burgimit, gjendjen psikiatrike dhe psikologjike, gjendjen fizike, historinë sociale, planet pas lirimit, pranimin e kontrollit dhe ndihmën nga Shërbimi Sprovues, ekzistencën e një rreziku të përgjithshëm për publikun, dhe perspektivën e një personi të dënuar me origjinë të huaj për të kthyer në shtëpi.

Paneli, pas shqyrtimit të kërkesës, vlerësimit të gjitha kushteve dhe kriterëve si më lartë, me rastin e vendosjes për kërkesën e të dënuarit konstatoi se nga të dhënat mbi shkeljet disiplinore, i dënuari ka rënë ndesh me rregullat e Institucionit Korrektues, me ç'rast nuk është plotësuar kriteri i nenit 14, pika 1.5 e Rregullores Nr. 01/39, "Sjelljen e mirë gjatë burgimit", për lirim me kusht, si dhe nuk është arritur risocializimi i plotë, prandaj mbi bazën e këtyre ka ardhur në përfundim se ende nuk është arritur qëllimi i ekzekutimit të sanksionit penal i paraparë sipas dispozitës së nenit 38 të Kodit Penal të Republikës së Kosovës dhe nenit 5 dhe 6 të Ligjit për Ekzekutimin e Sanksioneve Penale, për të cilën arsye kërkesa e të dënuarit u refuzua për periudhën kohore prej 12 muaj dhe mund të rishqyrtohet pas kalimit të këtij afati.

Nga sa u tha më lartë, në zbatim të nenit 25 pika 1.2 të Rregullores nr. 01/39 të Këshillit Gjyqësor të Kosovës, u vendos si në dispozitiv të këtij aktvendimi.

**PANELI PËR LIRIM ME KUSHT  
PLK. D. nr. 646/23, datë 04.12.2023**

U.d. Koordinatore e Panelit

Mersime Mehmeti

Kryesuese e Panelit

Valdete Daka

**Këshilla Juridike:** Kundër këtij aktvendimi, në kuptim të nenit 117 par. 16 të Ligjit Nr. 08/L-132 për Ekzekutimin e Sanksioneve Penale, nuk është e lejuar ankesa.